

上騰而捨火火輒滅者噴火蛇也與鱧相類領下有細鱗數片宜亟去之否則能殺人有黃鱧白鱧藤鱧三種藤鱧體有毛味更佳黃鱧以小者爲美白鱧卽鰻魚也諺曰魚浮鱧沈沈者滋陰雖則滋陰其毒亦深言蛇鱧之難辨也

石首魚頭中有石爾雅名鰻魚俗名三牙今皆呼金鱗物產志一名黃魚嶺表錄異石首魚狀如鰻魚隨其大小腦中有一石子如蕎麥瑩似白玉閩中海錯疏四明海上以四月小滿爲頭水五月端午爲二水六月初爲三水頭水者佳二水勝於三水作鮓可經年